



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXV. Die Markgrafen Johann, Otto und Conrad schenken dem Kloster Chorin das Dorf Briest, am 27. Juni 1277.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

XXIV. Die Markgrafen Johann, Otto und Conrad überlassen den Brüdern des Klosters Mariensee tauschweise das Wendische Dorf Rogäsen, weil sie dasselbe zur Aufrichtung des Klosters an diesem Orte passend fanden, am 13. Mai 1276.

In nomine Sancte et individue Trinitatis, Johannes, Otto et Conradus, dei gratia Marchiones Brandenburgenses, uniueris presentem paginam visuris in perpetuum. Notum esse volumus tam presentibus quam futuris, quod ecclesie Stagno sancte Marie virginis fratribusque ibidem Deo famulantibus villam Slauicalem Rogosene, quum ibi locum congruum ad claustrum edificationem inuenerunt, cum viginti sex mansis, agris cultis et incultis et ceteris omnibus utilitatibus ex ipsa prouenientibus proprietatis titulo donatione perpetua contulimus possidendam. Et quum dicti fratres unde nobis restaurum facerent in rerum substantia non habebant, prudentum virorum consilio actum est, ut nobis triginta et duos mansos pheodales in Parten in recompensationem dimitterent, et possessores eorundem mansorum nobis in nostris expeditionibus sicut ante fecerant deseruirent. Cetera autem bona omnia, scilicet parrochiam predictae ville, villicationem et omnem jurisdictionem, sicut illustris princeps Marchio Johannes felicis memorie pater noster eis in die defunctionis sue ob remissionem peccatorum suorum donauerat, liberaliter possidebunt. Vt igitur haec nostra donatio et heredum nostrorum et fratrum commutatio stabilis perseveret, presens scriptum conscribi iussimus et sigillorum nostrorum munimine roborari. Adhibitis nihilominus testibus idoneis quorum nomina sunt haec. Ex parte claustrum dominus Hermannus, Abbas de Colbaz, et dominus Henricus, Abbas dicti claustrum, et frater Robertus et frater Jacobus de Colbaz, et frater Verdeboldus, clerici. Ex parte nostra nobilis vir Comes Guntherus de Lindow, Bertramus de Bentz, Johannes Gans, noster Marscalcus, Willekinus pincerna, Henricus de Belling, Johannes de Stegelyz milites et quam plures alii fide digni. Acta sunt haec super Werbelinvm, anno domini M^o. CC^o. LXXVI^o. tertio ydus Maji, Datum per manum Notarii nostri domini Johannis de Brunnezwic.

Aus dem nach dem Original des Königl. Geh. Staatsarchives berichtigten Abdrucke in Gerdens Cod. II, 418.

XXV. Die Markgrafen Johann, Otto und Conrad schenken dem Kloster Chorin das Dorf Briesf, am 27. Juni 1277.

In nomine Sancte et individue trinitatis amen, Ne pre defectu memorie que prouida dispositione geruntur in tempore mater erroris ingrata surrepat obliuio, expedit gesta in tempore seu gerenda litterarum beneficio perhennari, maxime vero, que eternis spiritualiter donatione principum salubriter ordinantur. Quapropter Johannes, Otto et Conradus, dei gratia Brandenburgenses Marchiones, recognoscimus et protestamur presentibus, quod cenobio Chorin ordinis Cisterciensis et fratribus ibidem Deo famulantibus villam Brizekè cum quinquaginta mansis et tribus mansis cum antiquis suis terminis circumquaque habentibus, paludibus, stagnis, fluuiis, lacubus, riuulis, molendinis, pratis et pascuis in Mirica, agris cultis et incultis, campis ac nemoribus et ceteris utilitatibus ex ipsa prouenientibus pari modo, sicut ab antiquis quiete possedimus, cum omni jure,

libertate ac proprietate totali donauimus perpetualiter possidendam. Agros vero dicte ville per nostros milites quorum nomina inferius continentur demonstrari et metiri iussimus, quorum initium est ab oriente a stagno retro villam Brizeke usque ad arborem fibicem signatam juxta viam, inde versus occidentem via regia per directum usque ad quercum signatam, que diuidit agros ville Lichteuelde et Brizeke, ab illa arbore per directum usque ad aluum super stagnum Brizeke signatam, trans stagnum vero versus austrum angulus quercea usque ad pontem, ab ipso ponte via per directum ad quercum signatam, que diuidit agros ville Goltiz et Brizeke. Inde per directum versus aquilonem per loca signata usque ad sagum in fluuio Lupaniz, que diuidit terminos Goltiz et Brizek et Chorin. In descensu fluuii versus orientem retro ortos ville super riuulum Rogosene ad locum signatum, qui diuidit terminos ville Chorin, Brizek atque claustrum. Hujusmodi mensura interfuerunt Johannes de Grisenberch, Georgius, Albertus frater ejus et Henricus dicti de Bellingen, Conradus de Luderstorp, Hekgardus Dunker et alii quam plures. Volumus igitur ut predicta villa Brizeke libera sit ab omni Aduocatia et iudicio seculari, nec aliquis Aduocatorum nostrorum, scultetorum, Bodellorum aliquam jurisdictionem in ea sibi audeat usurpare. Sed ipsi fratres sicut in aliis bonis suis per se suosque iudices sua iudicia minora exerceant et maiora. Nec quoque hoc pretermittendum duximus, quod ipsi Cenobio Chorin donauimus, ut si villam supradictam Brizeke infra suas metas ad alium magis sibi congruum locum transplantare voluerint, liberam habeant facultatem. Jus etiam patronatus ejusdem parochie, que dicebatur filia Goltiz, post decessum presentis plebani videlicet domini Meinardi predicto cenobio integraliter dimisimus toto nisu. Donauimus insuper dicto claustro proprietatem molendini inferioris juxta curiam Golow cum omni jure, quod dominus Wilhelmus de Tornow dedit in testamento pro se et pro filio suo cenobio memorato. Vt autem hec nostra donatio tam a nobis quam heredibus nostris inuiolabiliter et perhenniter conseruetur, presens scriptum prehabito Cenobio dari iussimus sigillorum nostrorum appensionibus consignatum, adhibitis nichilominus testibus ydoneis, quorum nomina sunt hec: Vir inclitus Dominus Ericus prepositus sancti Bonifacii in Halberstad, frater noster dilectus, Johannes de Oldenvlete, Mariscalcus, Henricus de Bellinge, Aduocatus Stolpensis, Henricus Duncker, Thidericus de Walsleue, milites, Walterus prefectus in Angermünde et alii quam plures fidedigni. Acta sunt hec Straceburch, anno domini M^o. CC^o. LXXVII^o. V. Kal. Julii, Datum per manum Meinardi nostre Curie Capellani.

Aus dem nach dem Original des Königl. Geh. Staatsarchives berichtigten Abdrucke in Gerrens Cod. II, 419.

XXVI. Die Markgrafen Johann, Otto und Conrad schenken dem Kloster Chorin das bei der Vermessung der Dörfer Jädickendorf und Woltersdorf gefundene Uebermaß,
am 6. Januar 1281.

Nos Johannes, Otto et Conradus, dei gratia Marchiones Brandenburgenses, omnibus in perpetuum. Literis presentibus protestamur, quod fratribus in Chorin supra Centum et viginti mansos, quos habebant in duabus villis videlicet in Wolterstorp et Godekendorp inuenimus per mensuram tam in agris, quam in paludibus et aquis, octo mansos, quos ipsis donauimus